



ANEXO

PROPOSTA DE ACTUACIÓNS A DESENVOLVER ENTRE A ADMINISTRACIÓN E AS ORGANIZACIÓNS SINDICAIS RELATIVAS AO PERSOAL LABORAL DA AXENCIA GALEGA DE INFRAESTRUTURAS

A Axencia Galega de Infraestruturas é unha entidade pública adscrita á consellería de Infraestruturas e Vivenda cuxo estatuto está regulado no Decreto 173/2011, do 4 de agosto.

O artigo 1.3 do decreto 173/2011 sinala os obxectivos básicos da dita axencia, "3. *Os obxectivos básicos da Axencia Galega de Infraestruturas son, impulsar, coordinar e xestionar a política autonómica en materia de estradas. Para tales efectos, correspóndelle á axencia planificar, proxectar, construír, conservar e explotar as estradas que sexan de competencia da Comunidade Autónoma de Galicia, así como os servizos que se poidan instalar ou desenvolver nas ditas infraestruturas. Tamén ten por obxecto garantir o uso e defensa do patrimonio viario.*"

Por outra parte o artigo 7.1 do Decreto 173/2011, recolle as funcións da Axencia entre as que cabe destacar as detalladas na letra j), que lle atribúe as de *inventario, explotación, conservación e sinalización das estradas e servizos complementarios na zona de dominio público das estradas.*

Para desenvolver as funcións de explotación, conservación e sinalización das estradas a Axencia conta con persoal laboral de diversas categorías profesionais dos grupos III e IV que realizan funcións de conservación directa das estradas e de vixilancia das mesmas, no relativo a obras, explotación e conservación.

Sen embargo, no ámbito das funcións de vixilancia en relación coas de conservación directa as estradas existe unha disparidade, que se manifesta tanto nunha regulación obsoleta das funcións das categorías coma no número de prazas e de efectivos adicados a unha e outra función.

Co obxectivo de adecuar a estrutura do persoal laboral da Axencia á necesidade de potenciar a vixilancia fronte á conservación directa das estradas é polo que se formula a seguinte proposta que se fundamenta en tres eixes fundamentais:

1º.-Racionalización das categorías laborais existentes, coa refundición de categorías con funcións similares.



2º.-Definición de funcións das categorías laborais, en orde a buscar unha regulación que supera a existente que é claramente obsoleta.

3º.-Dotación de prazas e cobertura das mesmas por procesos selectivos: o obxectivo fundamental é contar con postos adicados á vixilancia das estradas.

No V Convenio colectivo Único do persoal laboral da Xunta de Galicia creouse a categoría 9 dentro do grupo III, coa denominación "Técnico/a práctico/a en control e vixilancia de obras, conservación e explotación". Sen embargo esta categoría non ten definidas as súas funcións nin na actual relación de postos de traballo da Axencia existen prazas desta categoría.

O que se pretende é sobre a base desta categoría xa existente articular un proceso sobre os tres eixes descritos.

1º.- Racionalización de categorías laborais:

O que se pretende é refundir categorías con funcións similares, que será presentada para o seu estudo na negociación coa Dirección Xeral de Función Pública. En concreto, na categoría 9 do grupo III "Técnico/a práctico/a en control e vixilancia de obras, conservación e explotación" refundiranse as seguintes categorías do grupo III:

- Categoría 7: Técnico/a práctico/a en control, e vixilancia de Obras. Técnico auxiliar de obras.
- Categoría 8: Encargado/a xeral.
- Categoría 60: Auxiliar técnico/a de obra. Auxiliar técnico/a de obra TIE.
- Categoría 23: Celador de estradas/capataz de estradas
- Categoría 67: Capataz de cuadrilla

Ademais propónse aos órganos de representación que correspondan a modificación da denominación da categoría 31 do grupo IV "Legoeiro" que será substituída pola de "Axente de estradas".

2.-Definición de funcións.

A definición das funcións das categorías laborais que prestan os seus servizos na Axencia Galega de Infraestruturas contense nos Convenios Colectivos do antigo Ministerio de Obras Públicas e Urbanismo (MOPU) e no Decreto 3184/1973, do 30 de novembro, polo que se aproba o novo Reglamento general de personal de camineros del Estado.



Dado o obsoleto deste marco funcional propónse agora a seguinte definición de funcións nas concretas categorías que se relacionan:

- 1.- Técnico/a práctico en control e vixilancia de obras, explotación e conservación de estradas (grupo III, categoría 9)
- 2.- Legoeiro (grupo IV, categoría 31).

1.- Técnico/a práctico en control e vixilancia de obras, explotación e conservación de estradas (grupo III, categoría 9): agrupa ademais desta categoría ao persoal das categorías 7, 8, 23, 60 e 67 do grupo III tal e como se especifica no punto 1º deste acordo.

As súas funcións son:

- Vixiar as operacións e tarefas relacionados coa explotación do dominio público viario e dos elementos que o compoñen, (segundo se define a explotación do dominio público viario no artigo 33 de Lei 8/2013, do 28 de xuño, de estradas de Galicia, que comprende as operacións de conservación, mantemento e as accións encamiñadas á súa defensa, mellor uso e aproveitamento), en concreto:
 - Vixiar o estado de conservación e funcionamento, dos elementos que integran o dominio público viario.
 - Vixiar e comprobar a execución das obras e actuacións promovidas, polo órgano competente en materia de estradas, ou doutras que se lle asignen, incluíndo a realización de replanteos, comprobacións, medicións e ensaios dos elementos construídos nas ditas obras.
 - Comprobar e verificar os medios materiais e persoais, así como da execución dos traballos e actuacións vinculadas ás tarefas de conservación ordinaria e vialidade invernal que efectúen as empresas adjudicatarias dos contratos realizados para as ditas funcións ou de calquera outro contrato relacionado con esta competencia que exerza o órgano competente en materia de estradas.
 - Realizar as tarefas de inspección e vixilancia necesarias para a atender á supervisión que o órgano competente en materia de estradas realiza sobre as vías explotadas en réxime de concesión administrativa.
 - Vixiar as operacións, traballos, obras ou outros usos realizados por terceiros no ámbito de protección das estradas, incluíndo a realización de



replanteos, comprobacións, medicións e ensaios dos elementos construídos nas ditas obras.

- Poñer en coñecemento das persoas das que dependa de calquera anomalía ou incumprimento da lexislación ou dunha autorización, de ser o caso.

- De ser o caso, organización do persoal que teña encomendado baixo o seu cargo nas cuadrillas encargadas das tarefas da execución material dos traballos de conservación, reparación e construción de obras nas estradas de titularidade autonómica e nos seus elementos funcionais.
- Supervisar, realizar as comprobacións e replanteos da instalación de elementos de sinalización, balizamento e defensa das estradas así como do pintado de marcas viais, incluíndo o premarcaxe.
- Sinalizar os accidentes de circulación que presencie, colaborar e comunicar a súa situación aos servizos de emerxencia pertinentes, así como ás persoas das que dependa.
- Retirar da calzada aqueles elementos estraños de pequeno tamaño e que poidan ser un perigo para a seguridade viaria ou un impedimento á circulación: pólas, rochas, restos de vehículos, elementos de balizamento desprendidos, e calesquera outros obstáculos que podan ser retirados de forma manual, sinalizar o perigo e avisar aos medios de conservación axeitados no caso de ser precisos.
- Atender ao cumprimento da normativa vixente, con especial atención á referente á mellora da seguridade viaria, ao medio ambiente e á seguridade e prevención de riscos laborais, no relacionado coa explotación de estradas.
- Elaborar os partes de servizo, informes, esbozos e demais documentos relacionados coas súas funcións, mediante o emprego dos equipos ofimáticos e das ferramentas administrativas das que dispoña.
- Conservar os medios materiais que se poñan á súa disposición e informar ao seu inmediato superior de calquera anomalía ou desperfecto.
- Cantas outras tarefas compatibles co seu nivel e coñecementos e que estean relacionadas coas funcións arriba indicadas, lle indique a persoa da que dependa.

2.- Axente de estradas (grupo IV, categoría 31).

As súas funcións son:



- Execución material dos traballos de conservación, reparación e construción de obras nas estradas de titularidade autonómica e nos seus elementos funcionais, en concreto:
 - Limpeza e desbroce de bordes e marxes das estradas.
 - Reparacións de firme.
 - Reparación, mantemento e limpeza das obras de drenaxe.
 - Limpeza, reposición e colocación dos elementos de sinalización, balizamento e defensa.
 - Repintado de marcas viais.
- Vixiar as operacións e tarefas relacionados coa explotación do dominio público viario e dos elementos que o compoñen, (segundo se define a explotación do dominio público viario no artigo 33 de Lei 8/2013, do 28 de xuño, de estradas de Galicia, que comprende as operacións de conservación, mantemento e as accións encamiñadas á súa defensa, mellor uso e aproveitamento), en concreto:
 - Colaborar cos vixilantes de estradas e persoal de categoría superior nas súas funcións propias.
 - Vixiar o estado de conservación e funcionamento, dos elementos que integran o dominio público viario.
 - Comprobar e verificar os medios materiais e persoais, así como a execución dos traballos e actuacións vinculadas ás tarefas de conservación ordinaria e vialidade invernal que efectúen as empresas adjudicatarias dos contratos realizados para as ditas funcións ou de calquera outro contrato relacionado con esta competencia que exerza o órgano competente en materia de estradas.
 - Vixiar as operacións, traballos, obras ou outros usos realizados por terceiros no ámbito de protección das estradas.
 - Informar ás persoas das que dependa de calquera anomalía ou incumprimento da lexislación ou dunha autorización, de ser o caso.
- Sinalizar os accidentes de circulación que presencie, colaborar e comunicar a súa situación aos servizos de emerxencia pertinentes, así como ás persoas das que dependa.
- Retirar da calzada aqueles elementos estranos de pequeno tamaño e que poidan ser un perigo para a seguridade viaria ou un impedimento á circulación:



pólas, rochas, restos de vehículos, elementos de balizamento desprendidos, e calesquera outros obstáculos que podan ser retirados de forma manual, sinalizar o perigo e avisar aos medios de conservación axeitados, no caso de ser precisos.

- Atender ao cumprimento da normativa vixente, con especial atención á referente á mellora da seguridade viaria, ao medio ambiente e á seguridade e prevención de riscos laborais, no relacionado coa explotación de estradas.
- Elaborar os partes de servizo, informes, esbozos e demais documentos relacionados coas súas funcións, mediante o emprego dos equipos ofimáticos e das ferramentas administrativas das que dispoña.
- Conservar os medios materiais que se poñan á súa disposición e informar ao seu inmediato superior de calquera anomalía ou desperfecto.
- Cantas outras tarefas compatibles co seu nivel e coñecementos e que estean relacionadas coas funcións arriba indicadas, lle indique a persoa da que dependa.

3º.-Dotación de prazas e cobertura das mesmas por procesos selectivos

A Axencia Galega de Infraestruturas fixa como obxectivo a creación dun mínimo de 57 prazas da categoría 9 do grupo III para atender as peticións de realización de funcións de vixilancia trasladadas por parte do persoal laboral fixo nas enquisas realizadas, a petición das organizacións sindicais, nos Servizos Provinciais da Axencia Galega de Infraestruturas.

Nunha primeira quenda ofertaranse 38 prazas, a convocar o antes posible trala sinatura do acordo e resolver no ano 2018. As prazas que quedasen sen cubrir acumularanse ás 19 prazas restantes e ofertaranse no ano 2019, poñendo fin a este acordo.

As prazas de nova creación uniranse ás que xa existan como consecuencia da refundición das categorías que se relacionan no apartado 1 deste acordo.

Para a cobertura desas prazas acudirase aos procesos selectivos que se articularan, exclusivamente, a través dunha promoción interna vertical e horizontal, nos que poderá participar todo o persoal laboral fixo da Xunta de Galicia que posúa a titulación requirida para o acceso ao Grupo III mediante concurso-oposición.

A Administración comprométese, xunto coas centrais sindicais, a promover o procedemento necesario para que o persoal do grupo IV, categoría 31, que non teña a titulación esixida poida concorrer a unha praza do Grupo III categoría 9, mediante o proceso de promoción interna descrito neste punto.



Darase traslado desta proposta de acordo ao órgano competente en materia de función pública para que as prazas se inclúen nas correspondentes oferta de emprego público na quenda de promoción interna.

A creación de prazas farase efectiva unha vez rematado cada un deses procesos selectivos.

A AXI asume o compromiso de negociar coas organizar sindicais unha proposta de bases deses procesos, así como a solicitar á dirección xeral de Función Pública a súa participación nesta negociación.

4º.- Procedemento para optar ás funcións de vixilancia do Grupo IV

Esta proposta de acordo contempla unha nova definición de funcións para a categoría 31 do Grupo IV na que se inclúen tarefas de vixilancia.

A realización das ditas funcións de vixilancia, desenvolveranse, de xeito transitorio por persoal desta categoría, de ser necesario para o funcionamento da Axencia, mentres non rematen os procesos de promoción interna recollidos no punto 3º desta proposta de acordo.

O procedemento para que o persoal da dita categoría, que voluntariamente opte á realización das funcións de vixilancia, articularase consonte aos criterios de selección que se especifican a continuación:

1 - **Requisito mínimo.** Posuír o carné de conducir tipo B.

2 - **Relación de servizo.** Darase preferencia aos laborais fixos sobre os indefinidos, estes sobre os temporais, e os temporais terán preferencia sobre os remudistas.

3 - **Tempo traballado.** A igualdade do criterio anterior, terán preferencia os traballadores con máis antigüidade na relación laboral coa administración fronte aqueles de incorporación máis recente.

4 - **Curso de explotación de estradas.** Darase preferencia ás persoas que tiveran superado o curso de explotación de estradas impartido pola EGAP no ano 2015.

5 - **Sorteo.** No caso de igualdade dos criterios anteriores, ordenarase a lista de voluntarios segundo o alfabeto, pola letra do primeiro apelido considerando o resultado do sorteo que realiza anualmente a consellería competente en materia de función pública de acordo co disposto no artigo 9 do Regulamento de selección de persoal da Administración da Comunidade Autónoma de Galicia, aprobado polo Decreto 95/1991, do 20 de marzo, para establecer a orde de actuación dos aspirantes en todas as probas selectivas de ingreso que se celebren durante o ano.



A letra considerada será a vixente para o ano no que se produza a necesidade de cubrir as funcións de vixilancia ás que se fai referencia no primeiro parágrafo.

6 - Na medida do posible, teranse en conta as preferencias de zona indicadas polos solicitantes no ámbito territorial de cada Servizo Provincial.

7 - Acompáñase un **modelo de solicitude** que se xunta como Anexo a esta proposta de acordo

8- O Traballador pode renunciar, mediante escrito dirixido á AXI, ás funcións de vixilancia solicitadas voluntariamente.

5º.-Funcionarización

A Axencia Galega de Infraestruturas instará ao órgano competente en materia de Función Pública para articular o proceso de funcionarización, segundo os termos que foran negociados coas Organizacións Sindicais representativas da Función Pública Galega, para que o persoal laboral fixo da categoría de "Técnico/a práctico en control e vixilancia de obras, explotación e conservación de estradas (Grupo III, categoría 9) acceda á escala de axentes de inspección, especialidade de vixilancia de estradas contempladas na disposición adicional oitava da dita Lei 2/2015

6º.-Comisión de seguimento

Créase unha comisión mixta de seguimento que actúe como mecanismo conxunto de plena efectividade para levar a cabo o seguimento e control das actividades necesarias para a execución do presente acordo.

A comisión de seguimento estará integrada por 4 representantes da Administración autonómica e 1 representante por cada organización sindical asinante do acordo.

Cada unha das partes representadas nesta Comisión de seguimento poderá estar asistida polos técnicos/as que estime oportuno, previa comunicación da súa designación ao desenvolvemento da reunión.

A comisión de seguimento será paritaria e estará presidida pola persoa titular da Axencia Galega de Infraestruturas ou a persoa en quen delegue.



XUNTA DE GALICIA
 CONSELLERÍA DE
 INFRAESTRUTURAS E VIVENDA

Edificio Administrativo San Caetano
 15781 Santiago de Compostela
 Telf.: 981 544 564
 Fax.: 981 544 543
 Correo-e: dv.infraestructuras@xunta.gal



MODELO:

SOLICITUDE DE DESEMPEÑO DAS FUNCIÓNS DE VIXILANCIA DE EXPLOTACIÓN

Departamento: Axencia Galega de Infraestruturas
 Centro directivo: Servizo Provincial de _____

Persoa que solicita:

Nome e apelidos: _____
 DNI: _____
 Enderezo: _____

Grupo e categoría: Grupo: IV Categoría: 31 legoeiro/a

Relación de servizo: Personal laboral: Fixo Temporal

Zona de traballo actual: _____

Solicito:

Desempeñar as funcións de vixilancia das operacións e tarefas relacionados coa explotación do dominio público viario e dos elementos que o compoñen na rede autonómica de estradas de Galicia na provincia de _____ que se recollen dentro das funcións propias do Grupo IV, categoría 31.

Preferencia de zona: _____

_____, de _____ de 20 _____

AXENCIA GALEGA DE INFRAESTRUTURAS

Servizo provincial de **Provincia**

Dirección